



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბჟინევი

ბჟინევი, სოფელი ხარაგაულის მუნიციპალიტეტის ხუნევის თემში (იმერეთის რეგიონი), მდებარეობს ძირულისა და ჩხერიმელის წყალგამყოფის ჩრდ. კალთაზე (მთა ტყემთის ჩრდ.-დას. კალთის ძირას), მდ. ძირულის მარცხ. მხარეს. ზ. დ. 820 მ, ხარაგაულიდან 40 კმ, ძირულიდან (უახლოესი რკინიგზის სადგ.) 32 კმ. 49 მცხ. (2014). აზბესტისა და მარმარილოს საბადოები.

ბ-ს ვახუშტი ბატონიშვილი მოიხსენიებს „ბჟინევის ხევის“ სახელწოდებით. დამოწმებულია აგრეთვე 1744 შედგენილ გივი ამილახვრის პირობის წიგნში. გვიანდ. შუა საუკუნეებში ბ. შედიოდა ხეფინისხევის შემადგენლობაში. სოფელში დგას XX ს. დასაწყისში აგებული ეკლესია, სოფლის სამხრ.-აღმ-ით კი – შუა ფეოდ. ხანის „ტბეთის“ წმ. გიორგის ეკლესია. სახელწ. დაკავშირებულია ტბასთან, სადაც არგვეთის მთავრები დავითი და კონსტანტინე აწამეს არაბებმა.

თ. ბერაძე
